



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Bernardini Scardaeonii Patauini Presbyteri de Castitate Libri Septem**

**Scardeone, Bernardino**

**Venetiis, 1542**

Quid sit q[ue] quum tantae praestantiae sit uirginitas nemini praecipuatur  
cap. iii

**urn:nbn:de:hbz:466:1-30433**

DE SACRIS VIRG.

Ioan. 2

Sed non est propterea quod damnet quis ullo pacto conu-  
nubium, quod inferiori gradu uirginitati succedat: quum  
Deus ipse et dominus Iesus non nisi ex coniugata uir-  
gine uoluerit nasci: et in suo ortu ita uirginitatem eli-  
gere, ut nuptiis nullo pacto quicquam uideretur detra-  
here uoluisse. Idem ferme innuitur, quod ille quoque nup-  
tius interesse uoluerit: ubi deficiente uino, ex aqua uinum  
fecit, multo laudabilius priore. Per uinum quidem  
quod in nuptiis defecit, designatur uoluptas matrimo-  
nii, quae cito consumitur: per aquam uero illo priore  
uino meliorem effectam, intelligitur continentia casti-  
tatis multo praestantior matrimonio, quod deficiente  
uino diximus comparari. In principio enim bonum  
fuit matrimonium, quod per uinum figuratur: at in fine  
melior uirginitas, quam per aquam uinum factam aptis-  
sime interpretari ualemus. Non est ergo quod quisquam  
audeat improbare, quod dominus ipse tam officiose  
probauit: neque dubitare utri plus detulerit uirginitati,  
an matrimonio, quum nobis ex matris electione, et  
ex discipuli dilectione, et ex propria uirginitatis obser-  
uatione, apertum uerum apertissimis argumentis oste-  
derit. Idcirco hanc ille in semetipso seruauit sanctis-  
sime, in matre elegit singularissime in Ioanne dilexit  
ardentissime, et nunc in cunctis approbat uehementis-  
sime.

Quid sit, quod quum tantae praestantiae sit uirginitas,  
nemini praecipitur. Cap. III.

**N**on est autem quod quisquam admiretur, aut an-  
xius quaerat, quid est quod quum tantae praestan-  
tiae sit uirginitas, nullibi tamen legatur ex prae-  
cepto legis à Deo cuiquam indici, nisi uouenti. Id sa-  
ne contigit, quod perfectorum est, et per paucorum ho-  
minum seruare castitatem: atque propterea uoti eam  
tantum esse uoluit, non praecipit. Quocirca Pharis-  
saeis dicentibus domino, Non ergo expedit nuberes

Matth. 19



ita respondit. Non omnes capiunt uerbum istud, sed quibus datum est. Et protinus addidit. Qui potest capere, capiat. Ex quibus planè uerbis apparet: alios esse idoneos ad continentia, alios aptiores ad nuptias: neutros tamen spernendos esse, & si sint Deo uirgines gratiores. Agat autem pro ingenio quisque suo: & eligat de duobus, quod sibi nouerit expedire: utrum uis agat, non peccat: modo in domino faciat. Desse sanè non potest sæculis omnibus, & qui ultro uirginitatem, & qui nuptias libentius amplectantur. Excusationem quidem, & ueniam obtinent coniugati: at uirgines & continentes laudem etiam merentur, & premiũ. Habet autem (ut Apostolus dicit) unusquisque proprium donum à Deo: alius quidem sic: alius uero sic. Diuisiones gratiarum sunt, idem autem dominus: qui operatur omnia in omnibus. Idem alibi. Si nupserit, inquit, uirgo non peccauit. Item. Qui uirginem suam non iungit matrimonio melius facit. Et rursus De uirginibus, ait, præceptum domini non habeo, consilium autem do. Ex consilio igitur Apostoli manifestissime patere uidemus, uirginitatem esse omnino matrimonio potiolem: quum hanc ipsam tantopere nobis commendet ex animo. Multa quidem alia de hac ipsa uirginitate dici digne possent, sed pro merito qui de eius laudibus dicere satis possit, nemo est: quum non sit sanè neque humani oris, neque mortalis ingenii eas pro dignitate referre. Non enim est hæc naturæ conclusa terminis: sed summi Dei gratia è coelo data diuinitus: quippe quæ coelitibus ipsis tantummodo est peculiaris, & propria. Verum quum de hac ipsa re multi sanctissimi, atque doctissimi uiri, tam græci, quàm latini, copiose, ornateque scripserint: post horum præclara monumenta, quid loci reliquum his in eruditis nostris sermunculis possit esse, non uis deo. Quare hæc modo, etsi non pro re, saltem pro

1. Cor. 7

1. Cor. 12

1. Cor. 7

1. Cor. 7



DE SACRIS VIRG.

tempore satis sint : neque quis hic à me de laudibus uirginitatis præterea esse quærendum putet.

Adhortatio ad sanctas uirgines , ut cognoscant dignitatem suam , & persistant in proposito uirginitatis , & uoto continentiae . Cap. III.

**A**D uos modo nobilissimæ uirgines me conuertam, quæ & mundum , & omnes illecebras uoluptatum cõtempistis pro Christo , cuius filia , & sponsa estis : persistate quæso in proposito , nec alium sponsum cogitate , quàm hunc ipsum Iesum , qui cum dies , ac noctes mente , & animo in cœlis uersandum est , ubi ad dexteram Dei sedet : qui licet sese præbeat cunctis amandum , nulli tamen hæret arctius , quàm dicatis sibi destinatisquæ uirginibus . Quam ob rem non est quod præter eum , quenquam , aut quicquam uobis proponatis habendum quum hic unus omnia factus sit uobis : dominus uidelicet pater , frater , & sponsum . Quid est quod desideretis amplius ? Maritalis thalamus uester est cœlum : mundus muliebris , diuina contemplatio , nuptiale domum , paradisi regnum . Hic erunt uobis perpetuæ , electissimæquæ delitiæ : nuptiæ dignitatis , sc̃licitatisquæ plenissimæ : sponsum assiduus , & gaudia sponsaliorum sempiterna . Non autem extimescenda hic uobis erit tumescens uteri grauitas , aut partus angustia , uel molesta liberorum educatio , seu mordax sterilitatis fastidium , siue diuturnus uiduitatis mœror , uel pupillorum grauis sarcina , aut ulla denique pellicis uana , ac furiosa suspitio . O uos ergo sc̃lices . Quanto sane dignior , atque sc̃licior censenda est fecunditas huiusce uestri spiritualis propositi , quàm terrenarum fertilitas nuptiarum : quantoquæ præstantius esse dignoscitur , nitescere mente , quàm turgescere uentre : & corde senescere , quàm habere lactescere : atque ex mundis uisceribus non in doloribus terram parere sed cœlum meditationibus , & contemplationibus parturire . Sed quid opus hic agere pluribus ? Nun